

## ՏԱԹԵՎԻԿ ՄԱՆՈՒԿՅԱՆ

### ՔՐԴԵՐԻ ՍՈՑԻԱԼ-ԶԱՂԱԶԱԿԱՆ ՎԻՃԱԿԸ ԹՈՒՐԹԻԱՅՈՒՄ (1920-30ԹԹ.)

Քրդական խնդիրը Թուրքիայում երբեք դուրս չի մնացել թե խորհրդային, թե արևմտանվորապես արևելագետների ուշադրությունից: Գլխիկ են բազմաթիվ աշխատություններ, մենագրություններ, որոնք անդրադարձել են քրդերի ծագման, պատմության ընթացքի, սոցիալ-քաղաքական վիճակի խնդիրներին: Սույն հոդվածում մենք փորձ ենք արել անդրադառնալ հանրապետական Թուրքիայում քրդերի սոցիալ-քաղաքական վիճակին անցյալ դարի 20-30-ական թվականներին:

Հանրապետական Թուրքիայի ազգային պետական քաղաքականության հիմքում ի սկզբանե դրվեց ազգայնականությունը: Մերժելով երկրում առկա ազգային փոքրամասնությունների, այդ թվում՝ քուրդ ազգաբնակչության գոյությունը՝ քեմալականները որդեգրեցին պանթուրքիստական հայտնի կարգախոսը. «վերափոխել բոլոր մահմեդականներին թուրքերի»<sup>1</sup>:

Այդ քաղաքականությունը փաստացի վավերացվեց 1920թ. հունվարի 28-ին կազմված «Ազգային ուխտում», հիսնամյա սրի (կետ 1-ին) «...Օսմանյան կայսության այն հատվածը, որ մեծամասամբ բնակեցված է օսման-մահմեդականներով՝ միավորված կրոնական և ռասսայական հիմքով՝ մեկ ամբողջություն է, և նրա մասնատումը որևէ պատրվակով անհանդուրժելի է»<sup>2</sup>:

1920թ. Սևրի դաշնագրի կնքումից հետո, երբ ուրվագծվեց անկախ Զորստան ստեղծելու հեռանկարը, Քեմալ Արսթուրքը այն դրակեց որպես «խմայելիախտական» սադրանք. «Անգլիան ցանկանում է իր տիրապետության տակ ստեղծել քրդական պետություն և դրանով իսկ հանդես գալ հրամայողի դերում Թուրքիայի, Իրանի և Անդրկովկասի նկատմամբ...»<sup>3</sup>:

Ինչպես հայտնի է Սևրի դաշնագիրն առաջին պատմաիրավական փաստաթուղթն է, որտեղ միջազգային դիվանագիտական մակարդակով քննարկվում է քրդական հարցը: Դաշնագրի երրորդ բաժինն ամբողջությամբ «Զորստան» ստեղծելու վերաբերյալ է: Այստեղ մասնավորապես

նշվում է, որ «երեք պետությունների՝ Անգլիայի, Ֆրանսիայի և Իտալիայի կողմից պետք է նշանակվի խորհուրդ, որը վեց ամսվա ընթացքում պետք է տեղական ինքնավարության պատրաստի այն վիլայեթները, որոնք ձգվում են Լիբիաից արևելք և որտեղ գերակշռում է քրդական տարրը: Սիաժամանակ պետք մշակվեն հստակ երաշխիքներ՝ վերը նշված վիլայեթներում մյուս ազգային և կրոնական փոքրամասնությունների անվտանգության համար:

Լքե մեկ տարի նշված վիլայեթների բոլոր ազգաբնակչությունը դիմի Ազգերի Լիգա և ներկայացնի, որ բնակչության մեծամասնությունը ցանկանում է լինել Թուրքիայից անկախ, իսկ Ազգերի Լիգան կհաստատի, որ վերջիններս ի վիճակի են ապրել անկախ, ապա Թուրքիան պարտավոր է հրաժարվել վերոհիշյալ վիլայեթներից: Եթե Սոսուլի վիլայեթի քրդերը ցանկանան լինել քրդական անկախ պետության կազմում, ապա՝ Դաշնակիցները դեմ չեն լինի»<sup>4</sup>:

Այսպիսին է Սերի դաշնագրի՝ քրդական ինքնավարությանը վերաբերող մասը, որն արդեն իսկ շատ կարևոր երևույթ էր որպես բոլոր ժողովրդի պետական ինքնավարության ընկալման գաղափար: Կարևոր է նաև այն փաստը, որ առաջին անգամ համընկնում էին բոլոր ժողովրդի և Դաշնակիցների շահերը:

Ինչպես հայտնի է Սերի դաշնագիրը նաև նախատեսում էր անկախ Հայաստանի ստեղծումը և «թվում էր, թե հայ-քրդական դարավոր կնճի-որ վերջապես հասնում էր իր ավարտին»<sup>5</sup>:

Ինչպես և սպասվում էր բոլոր ազգայնականները յայնաձավալ պայքար սկսեցին Սերի դաշնագրի իրականացման դեմ: Դա արտահայտվեց բոլորքական լրատվամիջոցներում, պաշտոնական հրապարակումներում:

«Այն կնքվել է արդեն հոգեվարք ապրող Օսմանյան կայսրության կողմից, սակայն դեռևս մի քանի օր առաջ՝ 1920թ. հուլիսի 18-ին Անկարայում գումարված Թուրքիայի Ազգային Մեծ Ժողովը (ԹԱՄԺ) հայտարարել էր, որ չի բնորոշելու իրենց առաջարկված դաշնագրի պայմանները և հավատարիմ «Ազգային ուխտին»՝ չի հսնդորթի թուրքական հողերի մասնատումը»<sup>6</sup>:

Մուստաֆա Բենալի և նրա ձևավորած ազգայնական շարժման հիմնական խնդիրներից մեկը Սերի դաշնագրի պահանջների իրագործումից հրաժարվելն էր: Դա յուրյին խնդիր չէր. չնայած Ռուսաստանի դիրքորոշման կտրուկ փոփոխությանը ի օգուտ Թուրքիայի և ընդդեմ այդ դաշնագրի, քննալականները գիտակցում էին իրենց առջև ծառացած խնդրի ողջ լուծությամբ:

Դաշնագրի ստորագրումից հետո նրանք հարկադրված եղան տակ-տիկական նկատառումներից ելնելով քրդերի նկատմամբ իրենց քաղաքականության մեջ փոփոխություններ մտցնել՝ փորձելով նրանց իրենց

կողմը գրավել: Առավելապես շահարկելով քրդերի կրոնական զգացմունքները, քուրքերին և քրդերին անվանելով «միասնական կրոնի զավակները», քեմալականները ամեն կերպ աշխատեցին հավատ ներշնչել քրդերին «նոր Թուրքիայի» սահմաններում նրանց իրավունքների հարգման և ազգային քաղաքական փիճակի լիարժեքության մասին:

Քաղաքական այս իրավիճակի ամենահետաքրքիր երևույթն այն էր, որ Թուրքիայի Ազգային Սեմ Ժողովն ընդունեց անմիադեմ, ինչպես նաև հետագայում մամուլ չունցող նախագիծ՝ Թուրքայում քրդերի ինքնավարության վերաբերյալ:

1922թ. փետրվարի 11-ին ԹԱՄԺ-ը վավերացրեց հետևյալ 10 կետից բաղկացած այդ փաստաթուղթը.

1. Քուրդ ժողովրդի մշակութային զարգացմանը սատարելու համար Թուրքիայի Մեջլիսը քրդերին ինքնավարության իրավունք կտա, որը պետք է ներառի նրանց բոլոր իրավունքները և սովորույթները:

2. Որպես Գլխավոր նախարար (ինքնավար մարզի նահանգապետ) Մեջլիսը կընտրի այն անձին, որը հեղինակություն է վայելում քրդերի մոտ և երաշխավորված է նրանց կողմից:

3. Գլխավոր նախարար (ԳՆ) ընտրվում է երեք տարով: Սակայն քուրդ ազգաբնակչության մեծամասնության ցանկությամբ նրա իրավունքները կարող են դադարեցվել և Քրդական ազգային խորհրդարանի կողմից նոր ԳՆ-ը ընտրել:

4. ԳՆ-ին, ինչպես նաև նրա տեղակալին հաստատում է Անկարան:

5. Քրդական ազգային խորհրդարանը ընտրվում է Արևելյան վիլայեթների բնակչության կողմից՝ երեք տարի ժամկետով:

6. ԳՆ և Քրդական ազգային խորհրդարանի միջև վիճելի հարցերի առկայության դեպքում վճռական խոսքը պատկանում է ԹԱՄԺ-ին, և երկու կողմն էլ պարտավոր են ենթարկվել վերջինս որոշմանը:

7. Արևելյան վիլայեթների պաշտպանության համար կազմվում է ոստիկանություն՝ Քրդական ազգային խորհրդարանի որոշմամբ: Սակայն այդ մարմնի ղեկավարումն ու վերահսկումը որոշ ժամանակ լինելու և քուրքերի ձեռքում:

8. Քրդական ազգային խորհրդարանի, ինչպես նաև կառավարության գործավարությունը պետք է վարել քուրքերենով: Սիաժամունակ իրավունք է տրվում դպրոցներում դասավանդել քրդերեն: Թեև այն պետական լեզու չէ, բայց և այնպես, կսրելի է հաղորդակցվել:

9. Քրդական ազգային խորհրդարանը վերահսկում է Արևելյան վիլայեթների կարգուկանոնը:

10. Առանց ԳՆ-ի քուլյատության և հաստատման Քրդական ազգային խորհրդարանը իրավասու չէ տարաբնույթ գործողություններ իրականացնել:

հնազանդաբար այս նախագիծը այդպես էլ մնաց թղթի վրա և անմիջապես չեզոքացվեց թուրքական հատուկ ծառայությունների կողմից: Այդուհանդերձ այն ունի կարևոր նշանակություն. նախ հաստատում է քրդական հիմնահարցի գոյությունը Թուրքիայում և երկրորդ՝ հնարավորություն է տալիս մեկ անգամ ևս ընդգծել Զեմալ Աթաթուրքի կողմից իրականացվող «երկակի ստանդարտի» քաղաքականության արդյունավետությունը:

Պետք է նշել, որ քեմալականների քաղաքականությունը՝ քարոզչությունը և խոստումները քրդերին, հատկապես Ազգային Ժողովի որոշ քուրդ պատգամավորներին, անարդյունք չմնացին:

Ուժերի նոր դասավորության պայմաններում, միջազգային մի շարք գործոնների ազդեցության տակ 1923թ. հուլիսի 23-ին ստորագրվեց Լոզանի պայմանագիրը, որը ի չիք դարձրեց քրդերի՝ անկախություն ստանալու բոլոր հույսերը: Եվ ահա, երբ Լոզանից հեռագիր ուղարկվում Թուրքիա՝ քրդերի ինքնավարության՝ Սևրի դաշնագրով նախատեսված պայմանները ճշտելու համար, ԹԱՄԺ-ի արտահերթ նիստում Էրզրումի քուրդ պատգամավորի հայտարարում է. «Այս երկիրը պատկանում միայն թուրքերին և քրդերին, ու այս ամբիոնից միայն երկու ժողովուրդի ներկայացուցիչ իրավունք ունի խոսելու՝ թուրքերը և քրդերը»:<sup>8</sup>

Այս ամենի հետևանքով Լոզանում Իսմեթ Ինենյուի գլխավորած պատվիրակությանը հաջողվում է «ազատվել» Սեփի դաշնագրի պահանջներից և սահմանափակվել միայն ազգային փոքրամասնությունների որոշ իրավունքներին վերաբերող պարտավորություններով, որոնց շարքին քրդերը որպես մահմեդական չէին դասվում<sup>9</sup>:

Լոզանի պայմանագրի ստորագրումից անմիջապես հետո թուրքական իշխանությունները կտրուկ փոխում են քրդերի հանդեպ իրականացվող քաղաքականությունը: Ի տարբերություն առաջինի՝ երկրորդ գումարման ԹԱՄԺ ոչ մի քուրդ պատգամավոր չի ընտրվում, իսկ նախկինները ձերբակալվում և հանձնվում են զինվորական դատարանին<sup>10</sup>: Թուրքիայի կողմից իրականացվող լոզանական քաղաքականությունը և ազգային փոքրամասնությունների իրավունքների անտեսումը արձանագրվում է նաև Թուրքիայի Հանրապետության 1924թ. առաջին սահմանադրության մեջ:

«Թուրքիայի Հանրապետության բոլոր քաղաքացիները՝ անկախ կրոնական և ռասայական պատկանելիությունից՝ թուրքեր են»:

«Անձի անձեռնմխելիությունը, խղճի, մտքի, խոսքի, տպագրության ազատությունն ու իրավունքը պատկանում են միայն թուրքերին»<sup>11</sup>:

Այդպիսի անհանդուրժողականությունն ազգային փոքրամասնությունների նկատմամբ վերաճեց լոզանական գաղափարախոսության, որը և օգնեց Թուրքիային տարածաշրջանում ինքնահաստատվել և հետագայում հաջողությամբ խաղաղով համաշխարհային երկու

համակարգերի առնակատման վրա՝ ապահովել իր առաջխաղացումը: Չնայած քրդերը կազմում էին արևելյան վիլայեթների բնակչության մեծամասնությունը, այնուամենայնիվ, քրդական մշակույթն իր բոլոր դրսևորումներով արգելվեց: Քրդերը տեսականորեն համարվելով «թուրք» գրկվում էին ազգային. իսկ գործնականում՝ ընդունվելով որպես «քուրդ»՝ քաղաքացիական իրավունքներից: Այդ քաղաքականության իրականացման համակարգում մեծ քսփ է ստանում թուրքական քարոզչական ապարատի գործունեությունը. պատմագրությունը, գրականությունը, զանգվածային լրատվամիջոցները, լծվում են քրդերի՝ թուրք-օղուզական արմատները «հայտնագործելու» առաքելությանը:

«Թուրքիայի արևելյան և հարավարևելյան Անատոլիայի շրջանում տեղ-տեղ կենտրոնացած, մեծամասամբ ցրված բնակվող քրդերը ծագումով պատկանում են թուրք օղուզներին»<sup>11</sup>:

«Թուրքիայի հանրապետության քրդերի մեծամասնությունը խոսում է թուրքերեն և ապրում ինչպես թուրքերը: Մենք՝ թուրքերս, նրանց չենք համարում այլ ազգության ներկայացուցիչներ: Քրդերը Առաջավոր Ասիայի տարածքում ապրող թուրքական ծագումով մի ժողովուրդ են»<sup>12</sup>:

1920-ական թթ. Թուրքիայում ձևավորվում են քուրսկան մի քանի կազմակերպություններ՝ Քրդատանի անկախության կոմիտեն, Քրդստանի վերածննդի միությունը, Քրդական ազգային կուսակցությունը, Սոցիալական աջակցության քրդակույն միությունը<sup>13</sup> և ուրիշներ, որոնց անդամները հիմնականում քրդական մտավորականության և ավագանու ներկայացուցիչներ էին: Նրանցից ոմանք համագործակցում էին թուրքական իշխանությունների հետ՝ հավատալով «նոր Թուրքիայի» ստեղծման գործում քրդերի կարևոր դերակատարության մասին Աթաթուրքի տված խոստումներին: Միայն որոշ ժամանակ անց քրդերը սկսեցին գիտակցել, որ հայերին և հույներին կոտորելուց հետո թուրքական իշխանությունները հաշվեհարդար կտեսնեն նաև իրենց հետ՝ առանց հաշվի առնելու նրանց մահմեդականությունը և նախկին օսմանդակությունները թուրքական պետությանը<sup>14</sup>:

Քեմալական Թուրքիայի՝ մեմնատիպ քաղաքականությունը չէր կարող քուրդ ազգաբնակչության շրջանում չառաջացնել խռովություններ, որոնցից ամենազանգվածայինը 1925թ. Շեյխ Սալիլի ապստամբությունն էր: Այն բավականին ուսումնասիրված և վերլուծված է, ուստի նշենք միայն, որ թուրքական իշխանություններն ու մամուլը աղավաղեցին ապստամբության պատճառներն ու նպատակները՝ վարկարեկելով շարժման ղեկավարներին. «Սալիլը Շեյխի տեսքով, ժողովրդի կրոնական զգացմունքները օգտագործելու միջոցով հարստություն դիզած, նախիրների և հուտերի տեր մի անձնավորություն էր, որ ոչխար էր բազմացնում և Սիրիայում վաճառում... Նրա կողմից գլխավորած ապստամբությունը (1925թ. փետրվարի 1-ից ապրիլի 15-ը) ծավալվել է Թուրքիայի

արևելյան շրջանի սի հատվածում... Շեյխ Սալիդը և էլի 47 մասնակիցներ արևելյան անկախ դատարանի կողմից դատապարտվեցին մահվան: Այն իրականացվեց Դիարբեքիրում 1925թ. հունիսի 29-ին»<sup>15</sup>:

Ժամանակի հայ մտավորականությունը ևս մեծ չափով արձագանքել է ինչպես 1925թ. այնպես էլ հետագա քրդական ապստամբություններին՝ այսօր հայտելով իր օժանդակությունն ու համակարգը քրդերի հակաթուրքական ազատագրական շարժումների նկատմամբ. «Քրտական այս մեծ ապստամբությունը, իր կազմակերպության ձեռքով, դեկավարներու լուրջությամբ նպատակներով եւ շարժման լուրջամտութեամբ Զիւրտիստանի ազգային ազատագրական յեղափոխութիւն մըն էր, վեր բոլոր առարկութիւններէն»<sup>16</sup>:

Թուրքական պատմագիտությունը խեղաթյուրում է մահ քրդական պատմության այս էջը՝ քուրդ ժողովրդի ազգային հետաքնն վարկաբեկելով և քրդական ազգային ազատագրական շարժման ամենակարևոր երևույթներից մեկը որպես «հետադիմական. զուտ կրոնական և արտաքին ուժերի կողմից հրահրված»<sup>17</sup> որակելով: Այդուհանդերձ կցանկանալինք լուրջօժեղ, որ ապստամբության անհաջողության մատնվելու պատճառներից մեկն էլ թերևս քրդերի ազգային ինքնագիտակցության ցածր մակարդակն էր և քրդական ցեղերի ու աշիրեթների՝ միմյանց նկատմամբ թշմամանքի դրսևորումը<sup>18</sup>:

Ապստամբության ճնշումից հետո թուրքական իշխանությունները զանգվածային անողորմ գործողություններ ծավալեցին քրդերի դեմ. «դատարանների ուղղմամբ քրդերին կախաղան էին բարձրացնում, բանտ մատնեցնում, աքստում...»<sup>19</sup>: 1925-1926 թվականներին ավիրվում է շուրջ 206 գյուղ, այլովում 8758 տուն, սպանվում 150 հազարից ավել խաղաղ բնակիչներ՝ կանայք, ծերեր և երեխաներ<sup>20</sup>:

1927թ. հունիսի 10-ին ԹԱՄԺ-ը օրենք է ընդունում քրդերի՝ արևելյան վիլայեթներից արևմտյան շրջաններ տեղափոխելու վերաբերյալ. «վարչատարածքային, ռազմական և հասարակական նպատակներով կառավարությանը իրավունք է վերապահվում անհնազանդ ընտանիքներին տեղափոխել արևմտյան վիլայեթներ»<sup>21</sup>: Այդ քաղաքականության հետևանքով 1927-1928թթ. արևմուտք է տեղահանվում մոտ մեկ միլիոն քուրդ, սակայն, բնականաբար, բոլորը չէ, որ անհնազանդ և իտուվարաբեր էին:

1925-1938թթ. քրդական ընդվզումներն ու խռովությունները Թուրքիայում շարունակական բնույթ էին կրում: Հիշատակության է արժանի Ալապատի ապստամբությանը: Այն 1927թ. կազմակերպվել և գլխավորվել է «Խոյուն»<sup>22</sup> կոմիտեի կողմից: Գաղափարախոսական և կազմակերպչական մի շարք թերություններով հսկողներ՝ «Խոյունը» քաղաքական կուսակցություն էր՝ իր ծրագրով և կանոնակարգով, որի գլխավոր նպա-

տակը «քուրդ ժողովրդի ազատագրումն էր թուրքական լծից և անկախ Զրդստանի ստեղծումը»<sup>25</sup>:

«Խոյբունի» գործունեությանը սատարում էր նաև արդեն սփյուռքում գործող Հայ Յեղափոխական Դաշնակցությունը, որը ջանում էր համախմբել քրդական ցեղերն ու աշխրեթները՝ նրանց մեջ զարգացնելով ազգային ինքնագիտակցության գաղափարը: «Խոյբուն-Դաշնակցություն» համագործակցության արայումնրում «Խոյբունի» կանոնադրության մեջ մտցվում է հայերի հետ համագործակցության վերաբերյալ ստանձին կետ<sup>26</sup>: Այդուհանդերձ, այս համագործակցությունը երկուստեք վտխշահավետ էր. Դաշնակցությունը ուներ հեռուհար մայատակներ և դեռևս ուղիներ էր որոնում Հայաստանում իշխանությունը վերականգնելու համար: Զրդերի դեպքում խնդիրը փոքր-ինչ այլ էր. «Չկար ոչ մի կազմակերպություն ոչ մի երկրից, որը օգնություն ցույց տար Խոյբունին, նրա նկատմամբ բարեկամություն դրսևորեր: Հաշվի առնելով այդ, քրդերը մայատակահարմար գտան բարեկամանալ հայերի հետ»<sup>25</sup>:

Կողմերը համաձայնության էին եկել, որ Զրդստանի և Հայաստանի սահմանների հարցը կլուծեն քրդական և հայկական ապստամբությունները: Նշվում էր նաև, որ կապը Խոյբունի և Արարատի ապստամբների միջև ևս իրականացրել են դաշնակցականները: 1928-1930թթ. փաստորեն բոլոր հյուսիս-արևելյան վիլայեթները գտնվում էին ապստամբների վերահսկողության տակ: Թուրքական իշխանությունները ստիպված էին կենտրոնացնել ռազմական մեծ ուժեր՝ այն ճնշելու համար<sup>26</sup>:

1930թ. հուլիսին ռազմական գործողություններն ավարտվեցին կառավարության լիակատար հաղթանակով: Ապստամբությանը հաջորդեցին քրդերի զանգվածային բնաջնջումներ, այրվեցին գյուղեր, մահվան դատապարտվեցին հազարավոր քրդեր<sup>27</sup>:

Ամփոփելով ասեք, որ Արարատի ապստամբությունը, թեև վերջնական հաղթանակի չհասավ, այնուամենայնիվ ավելի կազմակերպված բնույթ ուներ և ապացուցում էր, որ քրդական շարժումները զուտ ազատագրական էին և «ոչ մեկ օտար պետության հովանավորությունը կր վայելէն»<sup>28</sup>: Այդ ապստամբությունը նաև հայ-քրդական համագործակցության ամենահետաքրքիր դրսևորումներից մեկ է:

Անդրադառնալով քրդերի տնտեսական վիճակին՝ հարկ է նշել ակնհայտ այն իրողությունը, որ թուրքական իշխանությունները արտահայտված խտրական քաղաքականություն էին վարում քրդաբնակ շրջանների նկատմամբ: Չնայած այս վիլայեթների թույլ զարգացած վիճակին՝ կառավարությունը, որպես կանոն, այստեղ ֆինանսական ներդրումներ չէր կատարում, մինչդեռ առավելապես թուրքաբնակ շրջանները հատուկ ուշադրության էին արժանանում. և՛ ճանապարհաշինության, և՛ կրթության, և՛ պետական զարգացման ծրագրերի միջև առկա էր տարբե-

յություն քրդաբնակ և թուրքաբնակ վիլայեթների միջև<sup>29</sup>։ Սա, ինչ խոսք հաստույկ մշակված տմտեսական քաղաքականության հետևանք էր։

1920-30-ական թվականները թուրքական կառավարության դեմ քրդական ազատագրական շարժումների տարիներ էին։ Ու թեև թուրքական իշխանությունները դաժանորեն ճնշեցին այդ շարժումները, նրանց չհաջողվեց ազատվել քրդական հիմնահարցից։ Այն շարունակում է գոյատևել և այսօր էլ համդիսանում է Թուրքիայի ներքաղաքական անկայունության կարևոր գործոններից մեկը։

TATEVIK MANUKYAN

### THE SOCIAL-POLITICAL CONDITIONS OF KURDS IN TURKEY (1920-1930s)

The events of 1920-1930's are the most remarkable in Kurd's history. For the first time during the history of Kurds after the seal of Severe's convention it became touchable for the Kurds the perspective of the creation of independent Kurdistan. However because of Kurds own mistakes and with the influence of external factors the Kurdish question in Lozano's (Lasagna's) conference stayed out of the day program of International Diplomacy. We would like to accent also that due to Turkey's carried out double standard effective policy Turkey succeeded in even though temporally solving the Kurdish problem.

#### ԾԱՆՈԹԱԳՐՈՒԹՅՈՒՆՆԵՐ

1. Аванесов С.С. "Положение национальных меньшинств в Турции", Ереван, 1963, с. 49.
2. Beşikçi I., Kürdistan üzerinde emperyalist bölüşüm mücadelesi, 1915-1925, cilt 1, Ankara, 1992, s. 396
3. Аралов С.И. "Воспоминания советского дипломата", М. 1960, с. 107.
4. Ключников Ю.В. "Мирные договоры империалистической войны", отдел III, "Курдистан", М. 1925, с. 122.
5. Բայրության Վ., Հայ-քրդական հարաբերությունները Հայաստանի առաջին հանրապետության գոյության տարիների, Մերձավոր և Միջին Արևելքի երկրներ և ժողովուրդներ, հ. XX, Երևան 2001, էջ 36.
6. Büyük lugat ve ansiklopedi, S. Kılıçioğlu, N. Araz, H. Devrim, eilt XI, Istanbul, 1985
7. Ш.Х. Мгои, Севр-Лозанна и проблемы национального самоопределения курдов, "Курдский альманах", М. 2001, с. 20-21.
8. Курдское движение в новое и новейшее время, М. 1987, с. 99.
9. Ключников Ю.В. "Мирные договоры империалистической войны", отдел VI, М. 1925, с. 151-152.
10. Гасратян М.А. Курды Турции в новейшее время, Ереван 1990, с. 55.

11. Türkiye ansiklopedisi, M.E. Üzümneri, S.Dinçer, S. Kazancı, cilt- III,, Ankara 1956, s. 512
12. Büyük luğat ve ansiklopedi, S. Kılıçlıoğlu, N. Araz, H. Devrim, cilt VIII, İstanbul, 1985, s.735.
13. McDowall D., A Modern history of the kurds, London- NewYork, 2000
14. Բայրության Վ., XX դարի 20-30-ական թվականների քրդական ապստամբությունները և բուրբ-իրանական հարաբերությունները, Մերձավոր և Միջին Արևելքի երկրներ և ժողովուրդներ, հ.XXI, Երևան 2002, էջ 9.
15. Büyük luğat ve ansiklopedi, S. Kılıçlıoğlu, N. Araz, H. Devrim, cilt XI, İstanbul, 1985, s.772.
16. Սասունի Կ. Քիւրտ ազգային շարժումները և հայ-քրտական յարաբերութիւնները, Պէյրութ, 1969, էջ 251
17. Büyük luğat ve ansiklopedi, S. Kılıçlıoğlu, N. Araz, H. Devrim, cilt XI, İstanbul, 1985, s.772
18. Ապստամբությանը, չնայած իր ընդգրկած մասշտաբներին, չէին մասնակցում մի շարք ազդեցիկ քուրդ ցեղապետեր՝ Իսմայել Աղա Սիմկոն, շեյխ Մահմուդը և ուրիշներ, չէին մասնակցում մաս որոշ ցեղեր, մասնավորապես՝ լուսն, խորմեկ և Դերսիմի քրդերը, որոնք չէին հավատում ապստամբության հաղթանակին և օժանդակում էին բուրջական իշխանություններին: Կարևոր դեր էր խաղում և քրդական ցեղերի կրոնական տարբերությունները:
19. Armstrong H.C., Grey Wolf, Mustafa Kemal, London, 1934, p.26
20. Гасратян М.А., Курдская проблема в Турции (1925-1939гг.), Специальный бюллетень но. 6, М., 1975, с.52, տե՛ս նաև Rambout L., Les Kurds et le droit, Paris, 1947, p.28.
21. Гасратян М.А. Курды Турции в новейшее время,, Ереван 1990, с. 128
22. 1927թ. գարնանը Սիրիայում և Լիբանանում գումարված քրդական կազմակերպությունների համագումարում ստեղծվում է «Խոյբուն» («անկախություն» կամ, այլ տեսակետի համաձայն՝ «լինել ինչպես կաս») անվամբ Քրդական ազգային կոմիտեն: Մշակվում է վերջինիս գործունեության ծրագիրը և կանոնադրությունը: «Խոյբունի» նախաձեռությամբ ապստամբությունը կազմակերպվում է Արարատի ստորոտում: Այն գլխավորում էին Իբրահիմ Հսգե Թեյլի փաշան, Իսհան Նուրի փաշան և Զիլան բեյը, որն ըստ Կ.Սասունու խնուսի Արտաշես Մուրադյանն էր, որ ներկայացնում էր հայկական թեղ:
23. Никитин В., Курды, М., 1964, с. 294.
24. Բայրության Վ., նշվ. աշխ., էջ 14.
25. Гасратян М.А. Курды Турции в новейшее время,, Ереван 1990, с. 154, տե՛ս նաև Silopi Z., Doza Kurdistan, 1969
26. История Курдистана, М., 1999, с. 283-284
27. Jwaideh W., Kürt Milliyetçiliğinin tarihi, İstanbul, 1999, s. 412

28. Սասունի Կ. Քիրտ լագային շարժումները և հայ-քրտական յարաբերութիւնները, Պէյրութ, 1969, էջ 295:
29. Արեւելան վիլայեթների տնտեսական վիճակի մասին առաւել մանրամասն տես Դալուասյան Հ., Հանրապետական Թուրքիայի կառավարության քաղաքականությունը Արեւելան վիլայեթներում (1920-1960-ական թվականներ), Երևան, 1999: